

FAMILIENTZAKO INFORMAZIO OROKORRA

Otsailaren 17ko 40/2020 ebazpenean aurreikusitako prozedura 2019-2020 ikasturtean ikastetxean matrikulaturik ez dauden haurrei aplikatuko zaie, ordainketa konpromisoari buruz 4.1 oinarrian xedatutakoa izan ezik. Ordainketa konpromiso hori ikaspostua erreserbatzen dutenek hartu beharko dute bere gain, baldin eta ez badira bizi Haur Hezkuntzako ikastetxea kokatua dagoen udalerrri berean.

Ikaspostua eska dezakete:

- 2018an eta 2019an jaiotako haurren gurasoek edo legezko tutoreek, eta urte bat baino gutxiago duten haurrentzako instalaziorik badago, 2020an jaiotakoek.
- Erditzeko aurreikusitako data egiaztatzen duen mediku-agiria aurkeztuta, jaiotza 2020-2021 ikasturtearen hasiera baino 16 aste lehenagorako aurreikusia duten haurren gurasoek.

Ikastetxeetan hasteko, haurrek 16 aste beteak izanzen dituzte, edo urtebete ikasturtea hasi baino lehen baldin eta ikastetxeek urte batetik beherako haurrentzako instalaziorik ez badute.

Adopzio edo harrera prozesuan dauden haurren kasuan, horren egiaztatzea aurkeztu beharko dute.

ESKAERAK

ENTREGATZEKO EPEA: 2020ko maiatzaren 25etik ekainaren 5era.

Izen ematea Haur Eskolara joanda edo posta elektronikoa erabiltza egingen da.

Haur Eskolan egin nahi bada (Errota kalea 6, bis), aurretik hitzordua eskatu beharko da maiatzaren 19tik aurrera 948 012012 telefonoan. Eskolara maskara eta boligrafoa eramatea eskatzen da. Bertan segurtasun-jarraibideak azalduko dira.

Esan bezala, izen ematea posta elektronikoz ere egin daiteke. Horretarako bidali agiriak honako helbide honetara: urtxintxa.mat@berriozar.es. Bide hori aukeratuta, ez da aurretik hitzordurik eskatu behar. Eskolak, eskaera jaso izanaren erantzunarekin batera, dagokion espediente zenbakia bidaliko du.

AURKEZTU BEHARREKO DOKUMENTAZIOA:

a) Haurraren jaioteguna eta eskatzailearen bizilekua egiaztatzen dituen dokumentua. Jaio gabeko haurrentzat, aurreikusitako jaiotze data egiaztatzen duen txosten medikoa.

b) NANaren, pasaportearen, atzerriarrentzako bizileku-txartelaren edo gurasoen edo legezko tutoreen nortasun agiriaren edo baliokidea den dokumentuaren fotokopia.

c) Familiaren osaera frogatzen duen dokumentazioa:

- Familia liburuaren fotokopia (gurasoak eta seme-alabak) edo, halakorik ez badago, antzeko agiri ofiziala osorik.
- Haurra harrera-egoeran dagoela edo adoptatua dela frogatzen duen agiria.
- Banantzearen edo dibortzioaren kasuan, hura ezartzen duen epai judiziala edo legez frogatzen duen dokumentua.
- Hala badagokio, familia-unitateko edozein kideren% 33ko edo gehiagoko desgaitasun fisiko, psikiko edo sentsoriala egiaztatzen duen ziurtagiria.
- Familia ugariaren titulua.
- Guraso bakarreko familia-titulua edo hori eskatu izanaren frogagiria. Halakorik izan ezean:

Familia gurasobakarrentzako berariazko dokumentazioa:

- Erantzukizunpeko adierazpena, bikote egonkor bat ez osatzeari eta beste pertsona batekin ezkondu ez izateari buruzkoa.
- Pertsona alarguna bada, edo egoera parekoa bada: bikotekidearen heriotzaren deklarazioa.
- Pertsonak guraso-ahala eksklusiboki badu: banantze edo dibortzio epaia, edo ezkontzaz kanpoko seme-alabengatikoa neurriari buruzko epaia, non egiaztatzen den guraso-ahala eksklusiboki esleitzen zaiola edo guraso-ahala beste alderdiari kentzen zaiola.
- Adingabeak harreraren badaude: familia harreragileei harrera ematen dien ebazpena.

Guraso bakarreko egoeran dauden familientzako berariazko dokumentazioa:

- Gurasoetako batek zaintza eta jagoletza eksklusiboki badu: banantze edo dibortzio epaia, edo ezkontzaz kanpoko seme-alabengatikoa neurriari buruzko epaia, zaintza eta jagoletza eksklusiboki duela egiaztatzen duena.

- Elkarrekin bizi diren gurasoetako bat espetxean badago: espetxeratze-egoera frogatzen duen ebazpen judiziala.
- Amak genero-indarkeria jasan badu: egiaztagiri ofiziala (apirilaren 10eko 14/2015 Foru Legearen 4.2 artikuluari eta otsailaren 7ko 5/2019 Foru Legearen 16.2 artikuluari jarraikiz).
- Baliaezintasun handiaren ziurtagiria, mendekotasun handia aitortzeko ebazpena edo gurasoetako baten % 33ko edo gehiagoko desgaitasun-mailaren ebazpena.

d) Gurasoen edo legezko tutoreen lan egoeraren eta/edo egoera akademikoaren frogagiriak.

- Besteren konturako langileen kasuan, aurreinskripzioaren epea bukatzeko egunaren aurreko 30 egunean Gizarte Segurantzaren edo dagokion mutualitatean alta emanda zegoela frogatzen duen agiria. **EZ DA AURKEZTU BEHAR, ESKAERA AGIRIAN BAIMENA EMATEKO LAUKITXOA MARKATZEN BADA**
- Norberaren konturako langileen lan egoera frogatzeko, aurreinskripzioa bukatzeko egunaren aurreko 30 egunean mutualitate orokorrean edo Gizarte Segurantzaren dagokion araubidean eta jarduera ekonomikoen zergan altan zegoela frogatzen duten agiriak beharko dira.
- Langabezian egonez gero, enplegu-eskaerako txartela.
- Eszedentzian egonez gero hiru urtetik beherako seme-alabak zaintzeko, eszedentziaren jakinarazpena aurkeztu behar da. Lan egoera aktibotzat hartzeko, idatziz zehaztu beharko da lanera itzuliko dela ikasturtea hasi ondoko hilabete eta erdi baino lehen.
- Eskaera aurkezteko unean ikasten arituz gero, matrikularen frogagiria, ikasturteko egutegia eta ordutegia aurkeztuko dira.
- Hala badagokio, familia-unitateko kideren bat ezintasun iraunkorreko edo baliaezintasun handiko pentsioa aitortuta duen Gizarte Segurantzako pentsioduna dela egiaztatzen duen dokumentazioa.

e) Errenta mailak frogatzeko agiriak.

- Gurasoen edo legezko tutoreen Pertsona Fisikoen Errentaren gaineko Zergaren azken aitopenen fotokopia. Aitorpena egitera behartuta ez badaude, dagokion dokumentazio ofiziala aurkeztu beharko da, edo, azken buruan, errenten edo diru-sarreraren zinpeko aitorpena eta/edo ikastetxearen titularrak den toki erakundeak familiaren 2018ko diru-sarrerak zehazteko beharrezkotzat jotzen dituen agiriak, edo 2019ko diru-sarrei dagozkienak, onarpen-prozesua 2020ko ekainaren 30a baino geroagokoa bada.

f) Gurasoen edo legezko tutoreen bizitokia edo lantokia eragin-eremu geografikoan dagoela frogatzen duen dokumentua.

Erroldaren ziurtagiria, udalak emana, haurra eta gurasoak edo guraso bat (edo haurraren legezko tutoreak) 2020ko urtarilaren 1a baino lehen udalerrian erroldatuta daudela jasotzen duena, edo, lanagatik edo haurrarekin bizi den gurasoari dagozkion beste arrazoi justifikatu batzuk direla eta, udalerrira bizitzera aldatu diren egunekoak. **BERRIOZARREN ERROLDATUTAKO EK: EZ DUTE AURKEZTU BEHAR.**

- Jaio gabeko haurren kasuan, haurraren gurasoen edo guraso baten (edo legezko tutoreen) erroldaren ziurtagiria.
- Zaintza eta jagoletza dituen gurasoaren edo legezko tutorearen lantokia zein den frogatzen duen agiria.
- Bizilekua aldatzea aurrez ikusi bada, etxebizitza ikasturtea hasi baino lehen emanen dela frogatzen duen agiria baloratuko da. Kasu horretan, gaur egungo bizilekua zein den adieraziko da jakinarazpenetarako, eta bizileku berria, berriz, baremazioa egiteko.
- Idatzizko konpromisoa, jasotzen duena bizilekuko udalak edo familiak berak ordainduko duela titularrak den udalari dagokion moduluaren portzentajea.

g) Sarbide zuzenerako baldintza bereziak betetzen direla frogatzen duen agiria:

- Haurraren desgaitasuna kalifikatzen duen ziurtagiria edo haurraren mendekotasun handia (III. gradua) aitortzen duen egiaztagiria eta/edo profesional batek egindako txostena, zeinetan deskribatzen diren hezkuntza premia berariazkoak ekar ditzaketen ezaugarriak.

h) Beste edozein egoera berezi baloratzeko frogagiriak. Medikuen, psikologoaren, gizarte langilearen edo zerbitzu espezializatu ofizialen txostena aurkeztu beharko da inguruabar hori frogatzeko.

ZERRENDAK ARGITARATZEA

BEHIN-BEHINEKO ZERRENDAK ARGITARATZEA: 2020ko uztailaren 1ean. Tokia: ikastetxeko eta erakunde titularren egoitzako iragarki-etaulak.

ERREKLAMAZIOAK AURKEZTEA: 2020ko uztailaren 1etik 6ra. Tokia: zentroaren erakunde titularra. Hautapen Batzordeari zuzenduko zaizkio eta behin-behineko zerrendetan agertutako puntuazioa berrikusteko zergatik eskatzen den azalduko da. Ezin izanen da inolaz ere zuzenketarik egin hautapen baremoan puntuazioa ematen duten agirietan.

BEHIN BETIKO ZERRENDAK ARGITARATZEA: 2020ko uztailaren 17an. Tokia: ikastetxearen eta erakunde titularren iragarki-etaulan.

MATRIKULA

MATRIKULA FORMALIZATZEA: 2020ko uztailaren 17tik 24ra. Tokia: erakunde titularrak zehazten duena.

Honako agiri hauek aurkeztu beharko dira:

- Haurra inskribatuta dagoen Gizarte Segurantzako kartillaren edo txartelaren fotokopia.
- Matrikulan ezarritako kuota ordaindu izanaren egiaztatzea.
- Beste herri batean bizi diren haurren kasuan, udalari dagokion moduluaren ehunekoaren finantzaketaren frogagiria. Finantzaketa hori bizitokia duten herriko udalaren edo familiaren beraren kargura izanen da.
- Gurasoen edo legezko tutoreen 2019ko pertsona fisikoen errentaren gaineko aitortpenaren fotokopia. Pertsona fisikoen errentaren gaineko zergaren aitortpena egin beharrik ez badute, errenten edo diru-sarreraren zinpeko aitortpena eta/edo ikastetxearen titulartasuna duen toki entitateak beharrezkotzat jotzen dituen agiriak aurkeztu beharko dituzte, familiak 2019. urtean izan dituen diru-sarrerak zehazteko. Agiri hori aurkezteko eguna 2020ko ekainaren 30era arte atzeratzen ahalko da.
- Ordainagiriak helbideratzeko banku entitateko kontu-zenbakiaren fotokopia, titularra eta zenbakia agertzen dituen.
- Kasua bada, beharrezkoa den osasun informazioa, haurra behar den moduan zaintzeko.

OHARRAK ETA DATUAK EGIAZTATZEA

Matrikula egiteko, beharrezkoa da haurrak 16 aste beteak izatea ikasturtea hasten denean, edo 12 hilabete, urte batetik beherako haurrentzako instalaziorik ez duten ikastetxeen kasuan.

Ezarritako epean matrikularik egiten ez bada, ikaspostuari uko egin zaiola ulertuko da, eta beste bati esleitu zaio itxaron-zerrendako hurrenkerari jarraikiz.

Eskatutako aukeretako batean matrikula egiteak berekin ekarriko du ikastetxe bereko beste aukerei edo herri bereko beste zeinahi ikastetxetako aukerei uko egitea, ikastetxearen titularra den toki entitateak hala ezartzen duen udalerrietan.

Alegatzen den egoerari buruzko frogagiriak aurkezten ez badira, zero puntuazioa emanen da onarpen baremoan dagokion atalean.

Egiaztatzen bada eskabidean edo erantsitako agirietan adierazitako datuak okerrak edo faltsuak direla, puntuazioa aldatuko da eta, kasua bada, emandako ikaspostua kenduko da.

Hautapen Batzordeak zilegi izanen du edozein unetan frogagiri gehiago eskatzea hautapen baremoan puntuazioa duten egoerei buruz.

TARIFAK

Tarifak aplikatuko dira 2020-2021 ikasturterako tarifak arautzen dituen Hezkuntza Departamentuko araudian ezarritakoarekin bat.

BAREMOA

A) Familia-unitatea, puntuazio metagarria gehienez: 15 puntu.

- Deialdi berean bi seme-alabarentzat edo gehiagorentzat ikaspostua eskatzen bada ikastetxe berean (ikaspostuaren erreserba eta jaio gabeentzako eskaerak barne): 15 puntu.
- Familia gurasobakarrak edo gurasobakartasun egoeran daudenak, Nafarroako Foru Komunitatean gurasobakarreko familiak egiaztatzeko otsailaren 7ko 5/2019 Foru Legean ezarritakoaren arabera: 5 puntu.
- Familia ugariak: 5 puntu.
- Familia unitateko kideren batek %33ko edo gehiagoko desgaitasun fisiko, psikiko edo zentzumenekoa badu, behar bezala aitortua: 4 puntu.
- 6 urtetik beherako bi seme edo alaba edo gehiago dituzten familien kasuan: puntu bat haur bakoitzeko.

B) Gurasoen edo legezko tutoreen lan eta gizarte egoera edo egoera akademikoa: 20 puntu.

a) Familia orokorrak

Guraso berak bi egoera posible baditu, horietako bat bakarrik hartuko da kontuan, puntuaziorik handiena duena.

- Lanaldi osoan edo partzialean lan egiten duen guraso edo legezko tutore bakoitzeko, edo behar bezala justifikatutako lehentasunezko dedikazioa eskatzen duten ikasketa arautuak egiten ari den guraso edo legezko tutore bakoitzeko, edo ezintasun iraunkor absolutuko edo baliaezintasun handiko egoera aitortuan dagoen guraso edo tutore bakoitzeko: 10 puntu.

- Lana bilatzen ari den guraso edo legezko tutore bakoitzeko: 5 puntu.

b) Familia gurasobakarrak edo gurasobakartasun egoeran daudenak

- Lanaldi osoan edo partzialean lan egiten duen gurasoa, edo behar bezala justifikatutako lehentasunezko dedikazioa eskatzen duten ikasketa arautuak egiten ari dena, edo ezintasun iraunkor absolutuko edo baliaezintasun handiko egoera aitortuan dagoena: 20 puntu.

- Lana bilatzen ari den gurasoa: 15 puntu.

c) Zaintza eta jagoletza eskusiboa duen gurasoa, gurasobakarreko familia edo gurasobakarreko familia egoeran dagoena izan gabe.

- Lanaldi osoan edo partzialean lan egiten duen gurasoa, edo behar bezala justifikatutako lehentasunezko dedikazioa eskatzen duten ikasketa arautuak egiten ari dena, edo ezintasun iraunkor absolutuko edo baliaezintasun handiko egoera aitortuan dagoena: 20 puntu.

- Lana bilatzen ari den gurasoa: 15 puntu.

C) Per capita errenta: 15 puntu, gehienez.

Per capita errenta (€)	Puntuak
> 15.000	1,5
12.400,01 - 15.000	3,0
10.700,01 - 12.400	4,5
9.300,01 - 10.700	6,0
7.980,01 - 9.300	7,5
6.650,01 - 7.980	9,0
5.500,01 - 6.650	10,5
4.500,01 - 5.500	12,0
3.350,01 - 4.500	13,5
< 3.350,01	15,0

D) Eraginpeko eremu geografikoa; gehienez ere: 20 puntu

- Haurra eta gurasoak edo guraso bat (edo legezko tutoreak) 2019ko urtarrilaren 1a baino lehen eskaeraren xedeko Haur Hezkuntzako lehen zikloko ikastetxea dagoen herrian edo eraginpeko eremu geografikoan den herri batean erroldatua egoteagatik: 20 puntu.
- Gurasoa(k) edo legezko tutorea eskaeraren xedeko Haur Hezkuntzako lehen zikloko ikastetxea dagoen herrian edo haren eraginpeko eremu geografikoan lanean aritzeagatik: 8 puntu.
- Gurasoa(k) edo legezko tutorea entitate titularren Haur Hezkuntzako lehen zikloko ikastetxe batean lanean aritzeagatik: 5 puntu.

E) Beste irizpide batzuk. Hautapen Batzordeak beste behar larri batzuk, pertsonalak, familiakoak edo sozialak, behar bezala frogatuak eta aurreko ataletan bildu gabeak, hartzen ahal ditu kontuan: 10 puntu, gehienez ere.

F) Puntu berdinketak ebaztea. Baremoa aplikatuta, adin talde bakoitzerako eskaintzen den azken ikaspostuan berdinketa gertatuz gero, egoera ebazteko irizpide hauek aplikatuko dira, bata bestearen ondoren:

- Ikastetxean anai-arrebak dituzten haurrak
- Familia-unitatearen per capita errentarik txikiena
- Berdinketak jarraituz gero, Hautapen Batzordeak ebatziko du zozketa baten bitartez.